

華東稀見方志文獻 第二十卷

中國華東文獻叢書

中國華東文獻叢書·第一輯

華東稀見方志文獻

第二十卷

甘肅省古籍文獻整理編譯中心
中國華東文獻叢書編輯委員會
編

甘肅省古籍文獻整理編譯中心重大整理項目

本輯主編：倉修良 高國祥

福建部分主編：方寶川

副主編：陳旭東

本卷目錄

蘭谿縣志	〔嘉慶〕張許修 陳鳳舉纂	〇〇三
龍游縣志	一 〔民國〕余紹宋纂	二九九

【嘉慶】張許修 陳鳳舉纂

蘭谿縣志

〔嘉慶〕《蘭谿縣志十八卷首一卷末一卷》，清張許修，陳鳳舉纂，嘉慶五年（公元一八〇〇年）刻本。白口，單魚尾，單欄。半葉九行，行十六至十九字不等。

張許，字可亭，生卒年不詳，潼關（今陝西潼關縣）人。陳鳳舉，字蘭江，生卒年不詳，錢塘（今浙江省杭州市）人，乾隆二十六年（公元一七六一）進士。卷前有嚴榮、張許序文及章懋、鄭錡、程子鰲、徐學聚、劉宇烈、劉芳喆等歷修舊序。

重修蘭谿縣志叙

古者記事之史謂之志邑之有志蓋所以鏡興圖辨風土量食貨詳文獻甄時務攬人材非徒備簡策之空

蘭谿縣志

文而實吏治民風之所繫也蘭谿為浙東要會之區其山川之秀異物產之華腴戶口之殷繁人文之奇瑋甲於婺郡明章楓山先

生始作縣志蓋取洪瞻二公東陽郡志及禮部吳公敬鄉錄而採摭成之草創而已迨一修於徐公魯源再修於劉公芳喆述覽旁

蘭谿縣志

搜詳且備焉自後屢擬修葺而卒未成書迄今百三十餘年矣其間城市疆域不無寔更丁徭田賦不無增減以至良吏名人之代

作賦詠著述之騰聲紛綸
歲難日就散佚者何可勝
數郡志所載既略而一時
文士又未聞有記載之書
如敬鄉錄之信而可徵者

使更歷年所竟至湮沒而
不可復考豈非宰是邑者
之責歟潼閩張君以乾隆
甲寅歲來宰是邑政治之
餘慨然有志於纂輯乃謀

於邑之紳士延教授陳君
惲其成而又集邑中文人
學士相與編摩撰次凡八
閱月而書成釐為十有八
卷自唐宋以至

國朝康熙壬子則增益其
事迹之所未備離析其門
類之所未詳自癸丑以至
嘉慶戊午則續而成之然
後蘭邑之風土典章燦然

大備而無荒失遺忘之慮則
洵乎張君之大有造於是書
也余於己未冬孟被
命出守婺州半載以來稍
習知此地山川風俗謀修
金華郡志簿書叢積未能
也適張君携所修邑志請
序於余余惟志乘之作與
國史相為表裏修史難修
志亦不易也是故太簡則

失之挂漏太繁則失之浮
夸附會古蹟則失之支離
泛收人物則失之冗濫求
其是非不謬文質得中瞻
而不穢詳而有要者於近
世殊不多得今張君此書
奔未分明倫理條貫則既
免於前數者之病矣抑志
者志其實也邑志之修必
將使宰是邑者得此編而

畫撫綏輯御之術生是邑者覩此編而興東脩砥礪之思庶幾吏治民風蒸蒸日上有以副聖天子一道同風之化而非僅考文徵事上供輶軒採擇已也余既嘉張君之留心掌故而尤願其以筆之書者施之政也因不辭而為之序

嘉慶五年歲次庚申四月中澣
賜進士出身翰林院編修
知浙江金華府事吳縣
嚴榮樸

重脩蘭谿縣志序

一邑之事有若可緩而實不容緩者志乘是已膺百里之命教養其大端外此簿書期會庶務交責有惟日不足之勢若志乘上之殿最不屬焉下之德怨不繫焉則相與

蘭谿縣志

序

漠然置之耳然而民生之利病於是乎覘時事之因革於是乎準政治之得失於是乎鏡而邑宰所以激揚勸勵化民成俗之微權亦於是乎寓是又烏容緩哉蘭為浙東繁劇地歲甲寅許蒞茲土亟取邑

朝稽

志閱之謂不習為吏視已成事將以為師資之藉焉及展卷而字跡漫漶編次舛錯蓋志之失脩者久矣我

顧紀載闕如他日輜軒下採其何以應則蘭志之脩尤有不容緩者

蘭谿縣志

序

二

雖然脩志難而蘭志為尤難蘭自唐咸亨置縣歷宋元至明正德庚午九九百餘年始有章楓山先生之志閱百年而徐魯源先生脩之又七十年而

國朝三韓劉公芳詰續脩之迄今百三

十年矣前令亦屢議及此卒不果行蓋歷年久遠稽之案牘而櫝冊或不存訪之故老而傳聞無足據事雖不容緩要非一朝夕一手足之所能倉猝辦也且邑中廢墜之

蘭谿縣志

序

三

有待脩舉更有甚於志者如城郭之關於封守塘堤之關於水利

文廟之關於風教與夫祀神保赤之

事皆當權其輕重以為先後數年來幸得諸紳士踴躍趨公次第歲事茲以重脩邑志為請許以為志

與史相表裏昔人論作史之法必

才識學俱全而又出之以心術之

正則甚矣載筆之難其人也無已

惟郡教授陳君鳳舉乎陳君武林

名進士博學篤志有古君子風昔

嘗叩以修志之要答曰楓山先生

蘭谿縣志

序

四

舊本善矣莫為之先雖美奚述今率其舊而補輯之詳於今而畧於古詳於事而畧於文則事半而功倍焉而所宜三致意者首惟人物次則藝文此索米之資信穢所由判也如有所譽其有所試要歸於

蘭谿縣志

序

五

三代直道之行而止不徵不信均無取焉陳君之論如是諸君以為然否僉曰善乃蠲吉日延至館舍諸紳士出素所記述與近日採訪諸條款薈而質之俾董厥成邑中孝廉明經及文學十數人共襄其事其於山川民物經制貢賦人才風俗政事文章矢公矢慎無濫無遺亦可以勵俗維風信今徵後矣抑許猶有冀焉者事近則觀感深地親則興起易吾願後之官斯土者閱是志而思利何以興弊何以

蘭谿縣志

序

六

去俗何以化政何以成則循良之績可奏焉生斯土者閱是志而思以忠肥國以孝肥家以德肥身以積善肥子孫則淳古之風可返焉然則是志也豈徒紀名物備掌故而已哉書成例得弁言於首用即許數年來以為不容緩而不得不緩之苦心識諸簡端為來者勸嘉慶五年歲次庚申三月文林郎知蘭谿縣事潼關張許題於雙柳軒官舍

原序

章懋

周官大司徒職方氏皆掌天下土地之圖而又有外史掌四方之志此後世郡邑之圖志所由始也吾郡在宋而洪遵有東陽志元瞻思又有續志皆統紀一郡事而於諸邑未暇致詳故他邑亦皆各自爲志獨蘭谿自唐咸亨始爲縣歷宋元迄今八九百年未聞有爲之志者其疆域山川民物貢賦人材風俗與政事之損益吏治之得失漫無登載闕典甚矣邑先正禮部吳公嘗著敬鄉錄畧識前代碩儒才士名卿賢相之本末而附以詩文又取祠廟碑誌及鄉飲進士題名等記以存是邦之故實庶幾可補邑乘之闕而書又亡逸不存可勝嘆哉乃宏治癸丑崑山王侯用檢來爲邑宰浚政之暇欲考圖經求典故而不可得謂是邦爲浙東要會之區素稱望縣而文獻不足若是豈非爲政者之責乎乃命庠士之秀者分詣各鄉訪遺老詢故事凡寺觀祠廟之壁題石刻故家名族之志傳諸集悉皆采摭以來而屬前進士靖江令鄭君威甫爲之詮次予亦與焉鄭君暨予辭不獲命乃據洪瞻二志爲準益以故所傳聞新所采錄參諸史傳及先輩文集中有及於縣事者咸以類附其目五十有六釐爲五卷草藁粗具未及刪定而王侯有召命入爲臺察其事遂寢厥後西蜀許侯鵬舉欲

蘭谿縣志

卷首 原序

一

章成之而不果正德戊辰丹徒許侯補之始至適值艱歲撫綏靡暇越再朞而政成愛立百廢具舉爰謂昔人所爲有益於後人者弗可以莫之繼也乃取前稿躬自校閱重加審訂而損益之以成一邑之典仍繪圖以冠其首且將鐫梓以廣其傳以予於是昔嘗與有力焉俾述蹟末識歲月於首簡予惟是編之成豈徒存典故表先哲以昭示無窮而已哉將使後之觀民設教者於是而求其故以盡更化善治之道論世尚友者於是而稽諸古以爲多識畜德之資亦未必無小補焉然非王侯創之於始則後將何述非許侯成之於終則先將何傳二侯之功殆未可以優

蘭谿縣志

卷首 原序

二

劣也第區區輩學殖荒落聞見寡陋且生於數百載之下而欲攷求紀述於數百載之上文獻既亡無從取徵而一邑之間又未能如太史公之周遊歷訪未免襲譚誣誤一廢百爲可愧耳若乃窮搜博考續而書之以補正其闕失者端有望於後之君子正德庚午歲夏六月初吉

原序

鄭 鈞

蘭谿浙東古縣也舊未有縣志宏治間今廣西右方伯崑山王公嘗假令蘭谿時吾友大司成章先生以南閩憲僉致仕於家愚亦自靖江丁內艱歸未及起復公遂以縣志屬諸先生復強愚俾爲之贊翼先生輒過訪求辭就所將

以從事會謂橫山祠左偏有樓居地位高爽人跡罕至且四顧溪山之勝一覽皆在目中朝霏夕煙以眺以玩殊有可感發人興趣者誠高人雅士所宜游寓也先生與愚遂寓此商確爲志謂近見郡邑志書體製不一獨賢仲珍甫所蓄松江舊志蓋依倣朱子綱目通鑑及祝和甫方輿勝覽例爲之者可取以爲法因首舉縣事之應合紀載者立目五十有六揭諸壁間掛日以詮註之凡事目及事類皆大書以提要下則分註以致詳若詩文之類更不別立事目但於每事分註之中或取其詞嚴義正有關於世教者或取其理明意切有感於人心者或取其久晦始顯可使

蘭谿縣志

卷首 原序

三

傳播者或取其乍出未彰可使敷揚者或摘其數語或錄其全文宜詳則詳宜畧則畧惟求其足以垂勸戒示久遠而已然或筆或削皆自先生出愚實不能有一辭之贊也自夏及秋凡兩閱月書乃告成王公載酒崇肴來勞取書而閱之一過卽揚言曰先生文章據古按今出經入史其光潤也如工師斲木而不見其有斧鑿之痕其暢達也如庖丁游刃而不見其有欸卻之勢其整嚴也如大將用兵左刺右擊而行伍不見其紊非天下奇才其孰能與於此聞者皆大喜悅遂相與憑高睇遠痛飲劇談樂盛事之已集恐影會之難量感極而悲至於泣下期旬日間鐫板印

行未幾先朝忽以風憲行取公公度不可復留乃出已俸餘貲白金若干存之於官以畀後來同志者爲翻刻此書之經費論今忽忽一十有八載竟未有能成公之志者而其所存白金反以充別用矣良可嘆也今幸丹徒許侯以名進士拜廷命來知縣事始克以王公之心爲心懇請先生悉以向在橫山所著原稿畀之侯躬自讐校至忘寢食其抄謄有字穎脫泚者足之其傳寫有詞義訛舛者正之增入縣官學職進士舉人歲貢若干員名仍捐俸金視王公昔所存數有加購紋梓募善工使就板刻不日可竣事矣侯既請先生序其首簡復以末簡之序屬愚噫噫愚復何言言之可贊哉豐城之劍埋藏下獄得張華而光芒遠射於斗牛渚佳之駒困阨鹽車遇伯樂而聲價頓增於百倍司成之文方伯之勲許侯載之方冊庶以不永淪愚復何言之可贊哉

蘭谿縣志

卷首 原序

四

原序

知縣 程子鑒

先王疆理天下書敘九邱詩陳列國凡志是事而已其後郡邑皆然必善之而期有取義作者之志也蘭谿自唐咸亨始爲縣越幾千年迄明正德庚午始有志又幾及百年萬歷壬寅余爲邑稍圖其曠闕而興之夫宋元洪贍國朝周王皆志郡而畧於邑庚午專志邑矣而已嘆於無徵自